



Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 56. Eorum postulata ad Cæsarem circa Concilium.

[urn:nbn:de:hbz:466:1-66641](https://nbn-resolving.de/urn:nbn:de:hbz:466:1-66641)

,tionis: sic enim & antiqui Patres fu- Sæcul. XVI.
„gerunt Concilia impiorum.,, A. C. 1562.

§. LV.

Conditiones ab iis pro Synodo requisitæ.

His duodecim querelis plures addidere articulos circa normam, quam in Synodi celebratione observari volebant: horum autem primus erat: Concilii Indictio per Cæsarem fiat. II. Celebretur intra Germaniæ limites. III. Facultas assistendi, & libere decernendi etiam laicis concedatur. IV. Exponantur ea, quæ amplius requirentur, ut esset revera universale Concilium. V. Relaxetur juramentum, quo Episcopi, & Ecclesiastici obstricti tenentur Papæ. VI. Juramentum calumniæ exigitur ab omnibus vocem decisivam habituris. VII. Priora Decreta Concilii Tridentini aboleantur. VIII. Præsidis honor soli Christo tribuatur. IX. Pro norma, seu regula judicii constituantur sola Sacra Scriptura. X. Agatur de auctoritate, quæ sanctis Patribus, & Conciliis Veteribus tribuenda sit. XI. Eorum scripta, & decreta ad Sacræ Scripturæ examen revocentur.

§. LVI.

Eorum postulata ad Cæsarem circa Concilium.

Hi



Sæcul. XVI. **A.C. 1562.** **H**i fuere articuli, quos prioribus suis

querelis adjecere, insuper alios
eiusdem ferme tenoris Cæsari propo-
nendos subjungebant, eosque ad se-
quentes reducebant. I. Concilium in
Germania celebretur. II. A Papa non
indicatur. III. Is non præsideat, sed
Concilii pars sit, & ejus decretis sub-
jectus. IV. Episcopi, & ceteri Pre-
lati immunes sint a juramento Pontifici
præstito, quo possent libere, & sine
præjudicio sententiam dicere. V. Scri-
ptura divina judex habeatur. VI. Theo-
logi Augustani vocem habeant non so-
lum deliberativam, sed etiam decisi-
vam, deturque eis salvus, prout vocant,
conductus, non solum quoad personas,
verum etiam quoad Religionis exer-
tium. VII. Decisiones non siant ex ma-
jori suffragiorum numero, sed præfe-
rantur sententiæ meliores, seu illæ,
quæ cum Regula verbi divini consenti-
rent. VIII. Præcedentia Concilii Tri-
dentini acta pro irritis habeantur, cum
ab una tantum partium celebratum
fuisse. IX. Si in Conilio concordia
de Religione non sequeretur, condi-
tiones saltem Passavientes in Germania
inviolatæ permaneant. X. De omni-
bus his articulis cautio idonea detur.

§. LVII.

